

Dat neit Nationalitéitegesetz

VON FRED KÉUP (MAMER) *

Knapp 4 Méint nom Referendum huet de Minister Braz den Avant-Projet vum Nationalitéitegesetz virgestallt. Wéi hie selwer gesot huet am Jeudi vum 23. Juli, geet et him dorëms, d'Zuel vun de Wieler ze erhéijen. Dovun ofgesinn, dass en Nationalitéitegesetz net dofir do ass, fir d'Zuel vun de Wieler ze erhéijen, ass dat virgeschloent Gesetz komplizéiert, et si vill ze vill Ausnahme virgesinn an et ass kee roude Fuedem dran ze erkennen.

„Wat oder wéi soll dann elo e Lëtzebuenger sinn?“ Op déi Fro bitt de Projet vum Här Braz keng Äntwert. Sécher ass awer, dass d'Sprooch vill manner wichteg soll ginn, wéi et bis elo de Fall war. An dat, obwuel sech d'Lëtzebuenger duerch hir Sprooch identifizéieren. lëtzebuergesch gëtt partiwwergräifend als Integratiounssprooch ugesinn an den Deputéierten André Bauler huet nach dës Lescht hei am Wort geschriwwen: „Well d'Lëtzebuergesch ass nach ëmmer e wesentlech Stéck vun eiser kultureller Identitéit. Wann et an engem Land keng gemeinsam Sprooch méi gëtt, gëtt et och keng gemeinsam Identitéit, keng gemeinsam Kultur an och keen Zesummegehéiregkeetsgefäll. Ouni eis Sprooch géif et wuel kaum eng Lëtzebuenger Natioun ginn.“

Den Historiker Gilbert Trausch huet am Kontext vun der Onafhängegkeet 1839 an vun der doduerch entstanener «unité linguistique du Luxembourg» iwwert eis Sprooch geschriwwen: «Ce parler deviendra le lien qui unit tous les Luxembourgeois...» «Il est la langue que parlent et comprennent tous les Luxembourgeois...».

An dofir hunn d'Lëtzebuenger och am Gesetz vun 1984 d'Lëtzebuergesch als eenzeg Landessprooch (langue nationale) vun eise Land festgehalen. Nieft lëtzebuergesch hu mer och 2 aner administrativ Sproochen, däitsch a franséisch.

Am Projet vum Minister Braz spillt eis Sprooch awer keng sou eng grouss Roll. Am Resumé liest sech de Projet sou: „Fir Lëtzebuenger ze ginn, muss ee kee lëtzebuergesch méi schwätzen oder verstoen.“ Dobäi wier et wichteg, grad nom Referendum, dass bei deem neie Gesetz d'Meenung vun de Wieler géif respektéiert ginn. Beim Sondage vun TNS ILRESS vum 10. November ware 70% vun de Wieler géint eng Vereinfachung vum Sproochentest.

Wat elo d'Gesetz konkret betrëfft, si mir:

- guer net averstanen domat, dass een ouni Sproochentest ka Lëtzebuenger ginn, no 8 Joer Residenz.
- dofir, dass den „droit du sol“ nëmmen dann zielt, wann och d'Schoulzäit

„Wat oder wéi soll dann elo e Lëtzebuenger sinn?“ Op déi Fro bitt de Projet vum Här Braz keng Äntwert.

zu Lëtzebuerg verbruecht ginn ass.

- dofir, dass een och weiderhin, am Fall vun engem Bestietnis, de Sproochentest muss packen.
- net averstanen mat de villen Ausnahmefäll, déi de Minister Braz proposéiert.

Weider versti mir net, firwat de gefrote Sproochenniveau am Test soll erofgoen. De Projet gesäit vir, den Niveau am Verstoe vu B1 op A2 erofzesetzen. Am Héierverständnis géif dat bedeuten, dass een eng Nouvelle um

Radio net méi verstoe muss (sou d'Directrice vun INL, Karin Pundel um Radio). Domat wäeren déi nei Lëtzebuenger sproochlech nach ëmmer ausgegrenzt. Wier et net och am Sënn vun hinnen, wa si e besseren Niveau an der Sprooch hätten?

Onerklärlech ass fir eis, firwat d'Regierung, wann se dann d'Zuel vun de Lëtzebuenger mordicus wëll erhéijen, keng weider konkret Moossnamen virgesäit, fir (a) den auslännesche Matbierger et besser ze erméiglechen an (b) si och ze motivéieren, d'Sprooch ze léieren. Am Gesetz misste Moossnamen dra sinn, déi et hinnen erlaben, lëtzebuergesch besser, méi séier a méi bëlleg ze léieren. An dat kann och just an enger Gesellschaft passéieren, an där d'Lëtzebuenger Sprooch e méi héije Stellewäert kritt.

Zum Schluss wëlle mer der Regierung an deenen aneren Parteien un d'Häerz leeën, de Leit am Land nozelauschteren an de Projet nach eng Kéier ze iwwerdenken. D'Integratioun huet an de leschte Jorzénge mat vill Erfolge fonctionnéiert an dat gëllt et weiderhin, bäizebehalen. Am Sënn vun engem gudden Zesummeliewen an enger offener Gesellschaft ouni Friemenhaass a mat enger gelongener Integratioun op Lëtzebuergesch. Mir wëlle mat eisen neie Lëtzebuenger lëtzebuergesch schwätzen.

*Den Auteur ass Mat-Initiateur vun der Initiative „nee2015-Wee2050“

